

靈巖山人詩集

靈巖山人詩集目錄

第三十七卷 古今體詩

香艸吟

九日登龍山落帽臺

次壁閒韻再書所見

鶴澤

息壤

東湖

渚宮

雲巖相公文孫秋捷紀喜四首

戊申六月二十日荊州大水衝決城隍居民淹

沒無算致成大災沅銜

命節制兩湖與相國阿公少司空德公會議工賑事宜駐  
節江干沙市俟逾三月感時述事成詩十首

黃鶴樓

鸚鵡洲

古玉簪一枝予幼時支髻物也忽焉失去遍索  
不得寓館無聊忽翻詩帙中得之喜出望外  
因成此詩

屠維作噩

郎官湖

伯牙臺

梅子山

桃花夫人廟

陽臺山

峴山亭

習家池

魚梁洲

鹿門山

羊太傅祠

孟亭

夫人城

襄陽大隄曲四首

當陽

仲宣樓

麥城弔古

長坂坡行

隋大業十一年鐵籠歌

玉泉山二首

雨後回眺紫蓋峰

莫愁邨

漳河曉渡

蝦蟆培

黃牛峽

三游洞

玉喜亭

扇子峰

尋雪雪舊址卽用歐陽文忠千葉紅梨花詩原

韻

喜智珠來楚

與智珠夜話

喜華山道員圓輝至

荆門行館詠庭中桂樹

六十生朝自壽十首

敬題家叔祖兵科給事中咸齋遺照六首

題棒目圖四首

唐昭宗賜武肅王鐵券歌

題永思圖三十韻

靈巖山人詩集卷三十七

鎮洋畢沅秋帆

一字  
穰蘅

香艸吟

九日登龍山落帽臺

秋入高臺屢嶂遮，身依落葉寄天涯。  
瑣言北夢憐光憲，把酒西風憶孟嘉。  
鴻鴈忍飢沉水國，魚龍徙窟占人家。  
那堪勝地逢佳節，倦豁酸眸對菊花。

次壁間韻再書所見

爲欲登山望怒濤，沿緣一徑樹樛樛。  
攝衣人上日初墮，落帽臺邊風正高。  
慘目千邨皆乞米，何心佳節更題餠。  
橫空不少磬，磬鴈張觸秋懷首重搔。



鶴澤

羊叔子于此取鶴教之舞以娛賓客故名

大澤蒼茫複嶂橫胎禽栖息遂生成未妨好較羊公異但聽松陰子和聲

息壤

行水駐郢都訪古南城外三閭神禹祠棟宇久隳敗牆東若坳堂傳聞息壤在昔絲堙洪水竊此鎮靈怪萬古一塊土混沌鑿不壞父老記當年早嘆苦凋瘵掘地未及尋有屋似公廨一物形正方下廣上微殺非木亦非石符篆金泥畫恐復膺帝誅火急仍藏蓋夏后代已遙宋儒理難解神聖所經營每出情理外書生識拘墟眼孔小于芥淮南等齊諧詎駁逞一快安知鴻荒初情事實荒昧象緯繫天

維江河絡地界奚始復奚終事事總奇怪胡爲古帝迹偏  
指爲附會鳩工急鼎新明德萬古賴山海考圖經百靈四  
壁繪欽哉奠定功禋祀肅稽拜荆郡罹奇灾百里金隄潰  
妖蛟肆頑雹立剽豈容貸形神賜豐年元氣復阜泰民生  
嗟瑣尾極此饑溺輩

東湖

樹陰閒泊釣魚船日驚雙飛破渚煙愜我吟懷遙望久夕  
陽紅襯浪花圓

渚宮

曾向閒臆閱紀聞此閒舊事渚宮舊事唐漫勞云引人遊  
望情無盡只有巫山一段雲

雲巖相公文孫秋捷志喜四首

上公節鉞駐江濱遙聽蘭孫捷報聞開榜人皆誇寶胄決  
科我早識鴻文瓊漿久挹三霄露王字平梯五色雲從此  
鑿坡看發軔相門舊業本清芬

由來獨秀擅閭陽累葉清華有瓣香豈但傳家居鼎鼐羣  
推報國在文章瑤林又見孫枝發綸閣原知祖澤長聽取  
霓裳仙樂奏喧傳盛事豔金張

雪窗芸席本淹該修月爭持玉斧來張相獨奇蘇頌卷王  
愉最愛慧龍才縣知姓氏傳中禁遙見文光燭上台翔步  
不勞頻拾級苑牆西處是蓬萊

一紙書從驛使飛裁詩遠賀倍依依青箱事業勳門少黃

閣科名藝苑稀奕世劉殷能守素一經韋相又傳衣元公  
正值還朝日喜見泥金貼滿扉

戊申六月二十日荊州大水衝決城隍居民淹沒

無筭致成大災沅街

命節制兩湖與相國阿公少司空德公會議工賑事宜駐  
節江干沙市倏逾三月感時述事成詩十首

景光澤洞走蛟螭巫峽雲濤忽倒垂浪蹴半天沈鶴澤城  
堙三板作魚池室家蕩析鮮民痛精魄淪亾溺鬼癡聞得

白頭父老說百年未見此災奇

荊州古諺云水來打破萬城堤荆州便作養魚池

手勅親封遣上公勤民堂陛一心通金錢內府催加賑版  
築冬官記考工直欲犀然窮象罔有效鶉結哭鴻濛

宵衣五夜披章奏饑溺真如與已同

一色長天接混茫登高無地問蒼蒼突如禍比焚巢慘  
爾危於破釜忙海市應開新聚落渚宮重見小滄桑最憐  
牙繡烏臺客披髮何由訴大荒

涼颯日暮暗淒其棺嬰縱橫滿路岐飢鼠伏倉滄腐粟亂  
魚吹浪逐浮屍神鐙示現天開網息壤難埋地絕維那料  
存亾關片刻萬家骨肉痛流離

聞水患前數日江上時有神鐙來往

雲夢蒼茫八九吞半皆餓口半游魂鮫綃有泣珠應滴  
足無功極恐翻救急城填成死劫劈空刀落得生門若非  
帝力宏慈福十萬蒼靈一不存

聞荊州水高二丈餘居民登屋上樹者正危急之際

空中大震一聲東北門大開水勢得平成稱關聖默佑

浪頭高壓望江樓眷屬都羈水府囚人鬼黃泉爭路出蛟  
龍白日上城游悲哉極目秋爲氣逝者傷心淚迸流不是  
乘槎卽升屋此生始信是浮漚

修渚中央宛溯洄田園廬舍此中開漁郎誤認桃源去虎

渡疑移砥柱來沙抱洲環占地濶蘆深葦密截江回窖金

未必真金穴貽與孫曾作禍媒

江心有窖金洲爲蕭姓私墾種植蘆葦致礙江面上

上怒其專利釀害藉其家治罪民大快之

生生死死萬情牽騷客酸吟哀郢篇慈筏津迷登彼岸濫  
觴勢蹶竟滔天不知骨化泥塗內只道身經降割前此去  
江流分九派魂歸何處識窮泉

大工重議築方城免致蚩氓呼癸庚涼月千家婺婦哭清

霜萬杵役夫聲蟻生漸整新槐穴虎旅重開舊柳營我有  
孝侯三尺劔誓將踏浪斬長鯨

江水漫漫煙靄深紙錢吹滿挂楓林冤埋魚腹彈湘怨哀  
譜鴻鳴寫楚吟南國鄭圖膏雨逮西風潘鬢鏡霜侵莫嗟  
病骨支離甚康濟儒生本素心

黃鶴樓

百尺飛甍逼紫蒼靈濤檻外盪三光眼看江漢流今古天  
許神仙壓霸王玉笛梅花吹月白金堤柳色隕霜黃不如  
驂鶴鴻都去手折扶桑溯大荒

鸚鵡洲

單絞當筵賤役爲江聲怒激鼓聲悲辱身命落奸雄手薦

士風高亂世時借及殺人真可笑恃才傲物卻非宜到頭  
不及微禽智翠羽靈言免禍罹

古玉簪一枝予幼時支髻物也忽焉失去遍索不  
得寓館無聊忽翻詩帙中得之喜出望外因成  
此詩

冠簪拋我已經年判得瓊枝化作煙嬾向蕉窗勤櫛沐愛  
從芸帙失神仙夢迴雙枕聞清韻朋盍三生記夙緣余髮  
而今嗟種種不應遺棄只應憐

屠維作噩

郎官湖

隔岸遙山展翠屏蒲芽蘆筍滿沙汀果然郎秩關乾象五



夜波涵萬點星

伯牙臺

飛鴻揮手送仙鶴  
隔江翔絕調人千古  
孤臺琴一張  
山音  
弦外達水碧  
意中長  
樵子行歌去  
平蕪淡夕陽

梅子山

竹密禪關隱  
停驂踏綠苔  
清江流漢沔  
紅樹倚樓臺  
徑曲  
沿囿轉飛雲  
拔磬來  
煥風香撲面  
何處有花開

桃花夫人廟

綠樹紅牆做畫  
費晚霞流出淡無情  
一江春水桃花漲  
流  
過祠前帶恨聲

陽臺山

上有神女廟

數摺春山似畫圖  
神祠亭榭綠雲扶  
幾年信宿陽臺下  
偏是閒宵一夢無

峴山亭

宇宙無窮已  
風光詎等閒  
古人皆讓我  
今日此登山  
雲夢橫天外  
嵩衡到座閒  
石亭斜照盡  
吟眺不知還

習家池

在白馬山下

山公沉醉處  
勝景至今存  
碧玉落峰影  
青錢散水痕  
橋橫奇石角  
座據古松根  
惜未攜同伴  
於茲倒一樽

魚梁洲

風高霧斂出洲渚  
敲石藤纏楓樹古  
云是幽人昔所居  
水南水北營茅宇  
隴土元居漢之陰在南白沙世謂是地爲白沙曲司馬德操宅洲之陽望衡對宇權

情自接泛舟襄策率爾休暢至今春水自清澄半種菰蒲半種菱釣艇歸來斜照在橘花籬角曬魚脣

鹿門山

鳥外盤盤列翠鬟僕夫遙指鹿門山沿坡度澗徑荒寂著雨苔花作意斑欲覓龐公棲息宅厓重嶺複無遺迹惟有松梢一道泉流雲尚似當年碧

羊太傅祠

古廟蒼山麓紆途特往參入門經萊圃破屋閉神龕德政敵皆感風徽我素諳異時能繼美只有杜征南

孟亭

玉右丞建

幽亭因友建憑覽覽無垠勝迹畱千載交情見昔人谿山

風月古花鳥歲時新喜得頻於此娛賓且送春

夫人城

翠幕花茵多婉弱豈知卓識生閨閣防患端由先見明臨  
危要預匡時略晉朝朱序鎮襄陽板輿迎母居高堂適值  
苻堅肆劫掠閉城固守心倉皇夫人登陴徧蹠蹕謂城西  
北易摧撲女丁立選數千名刻日崇墉添一角外雖已覆  
內難攻敵衆灰心盡挂弓禦寇堪伴錦繖勇解圍真有繡  
旗風賴茲不致長城壞果然巾幗勝冠蓋睥睨銘勲碑碣  
同千秋羸得嘉名在  
我乘雉堞數踟躕江碧山青似畫圖  
夜向銅鞮坊下宿女牆月上叫慈烏

襄陽大隄曲四首

漢水泛雙萍知郎同鄉里儻欲識儂居紅樓百花裏  
雨停春乍曉甘露葉猶小凭闌指問郎蕉心何日了  
花開夜度娘彈箏侑柝杓不唱行路難但歌賈客樂  
鴛鴦驚鷓聲背飛矢追逐花深沙嶼多今夜應分宿

當陽

爲尋靈蹟駐青驄暮雨荒城室半空水別沮漳趨鶴澤山  
環巴蜀闢蠶叢愁昏草色淒迷綠恨入花枝慘淡紅十日  
春陰五日雨一尊何處哭英雄

仲宣樓

當陽縣城樓

獨立高城憶仲宣登樓一賦至今傳凭欄極目山如畫綠  
到荆門以外天

麥城弔古

萬禩馨香換一身河溶煙草不生春  
卯金兩漢收殘局戊土中原出正神  
青史至今餘痛哭碧山誰與話前因  
崇祠畫壁瞻遺像血勇橫刀挾怒曛

長坂坡行

春林曉唳杜鵑鳥愁雲泔泔黑霧杳  
牧童指是古戰場福將傳說常山趙  
子龍真乃人中龍能以神勇恢精忠  
十盪十決鮮勁敵百戰百勝收奇功  
主臣蒼黃乏寸土錦鏐出入千軍中  
隻手支當百萬衆風雲絕處神靈通  
迴戈一闕賊膽破始制狼突開蠶叢  
漢賊曹操非孫權義嚴斧鉞麟經  
同青山無恙青史在玉泉遠打琳宮  
鐘漳濱沙寒沉折

戟可惜荆襄付一擲  
慟哭英雄劫未消  
夜雨空原鬼火碧

隋大業十一年鐵鑊歌

蜀山盡頭玉泉寺  
隋代智公飛錫地  
供奉世尊造寶器  
土花鏤澀大業字  
以火鎔金水範土  
洪鑪炭然就埏埴  
陰陽交濟五行全  
生尅互用萬靈闕  
祇園香積著功德  
優鉢咒施藏魑魅  
雨淋蘚蝕度諸劫  
淵然幽光涵古翠  
靜渟千歲甘露泉  
龍子聽經不敢祟  
珠宮金碧照霄漢  
劫自神工更奇異  
榎楠斲柱蓮華礎  
力費萬牛供輦致  
兵戈土木兆亂  
亾梵宇迷樓竝軒  
輕錦帆殿脚駕龍  
舟李花將榮楊花  
頽昏淫事事神人  
忿果報那知存  
願忌頭顱如許  
鏡中憐六州錯鑄  
成虛棄淨名甘受  
菩薩戒弟子和南  
極思議參書

驛使遞名山非禪不智勞遠示翻從孽海求善根頗悟毘  
曇具精義始知佛力極大千原有法門歸不二摩挲頑鐵  
拜靈龕龍象同欽智者智

玉泉山二首

棟宇齊梁後孱顏拄策登珠宮棲浩氣

寺多靈蹟

金界闢高僧

地迴御雲麗天高慧日澄影堂參祖席我欲證三乘

靈鷲鐘聲出清宵警大千浮圖鎔鐵造如意覓犀鐫花塢  
春三月松窗雨半天萬峰從此入馬足躡雲煙

雨後回眺紫蓋峰

峰尖漠漠帶斜曛近郭遙山影不分穿過煙林窺去路一  
層奇石一層雲



莫愁邨

解佩亭東漢水西  
柳藏深巷亂鴛鴦  
曉金閨怨女知多少  
花落春深翠黛低

漳河曉渡

晴煙冪歷日初升  
古渡無人有破處  
昨夜桃花春漲滿  
隔江處處挂魚罾

蝦蟆培

廣寒逋老蜍仙人不能脅  
化爲西陵石蟠據  
明月峽睥睨  
千江源意欲一口呷  
噓吸太陰精  
劍劈雙龍匣  
雲根斲破  
碎玉竇寒泉溲  
習坎艮其背  
神瀆噴吐  
嶠下垂珍珠  
簾玲瓏搖寶嬰  
洞屋窈而深  
側窺魂膽怯  
前有千渦盤  
後有雙

壁夾飄鈿噤骨寒石惡礙頭壓奔流爭罅出澎湃那許脯  
茶經品第四冷熨齒牙欲入險心仍夷洞虛指還插驚濤  
肆吞吐巨編小鳧鴨兀峙十二培輕帆翦一霎怒欲鬥虎  
牙快未熟羊腩黃牛連白狗氣勢受侮狎水魄破冷光修  
戶斧力乏騎汝叩圓靈桂花飛浩劫搗藥代汝勞姪娥或  
有押

黃牛峽

全江貫峽門并力爭一線束以千萬峰逼之千萬轉出峽  
峰勢開怒激等飛箭幽潛沈三光詭怪森百變大禹斧到  
處至此力亦倦有神具土德能與庚辰戰窮淵一千尺盤  
渦入螺旋傾刻萬斛船饒充蛟鱷或疑星墮地河鼓被

謫譴劔嶠盡雙角羣靈駭倒剗杳渺鴻荒功鄭重元圭薦  
萬古鞭不動豈僅朝暮見

三游洞

白香山與弟行簡元微之游  
此作記刻石名洞曰三游

春艸回青緣澗曲盤縈仄徑不容足山深境僻少行人兩  
耳松濤聲謾謾枯藤挂壁蟠蛟螭呀然古洞石棱簇手搗  
鐵杖纔到門驚起一雙紅蝙蝠嵌空闕寂土花鯉疑入多  
年鎖閉屋雲根大小縱復橫蹲者如猴臥如鹿但聽潺湲  
不見泉地中知有靈源洑畢竟幽深氣候殊冷侵袍襖肌  
生粟外望虛嵐遮幾層日光射處團濃綠因尋前代畱題  
文攜得長箋細膽錄元白當年成勝游蘇黃繼起踵高躅  
東坡與弟穎濱黃山後先至此皆三人今日冥搜讓予獨  
谷游此賦詩達旦

爰吟長句寄幽懷  
擘窠劃破蒼巖腹  
未審他時夏阿誰  
壁端細剔寒苔讀

至喜亭

石劒搥驚湍一激  
枉矢疾輕舟從天  
落倏穿波底出  
曲折與石赴其閒  
不容髮尖礁排齒  
齒飛掠魚龍窟  
撞擊卽糜碎魂死  
身猶活喧傳出峽  
口瞥見天宇濶  
六六翠屏開神情  
頓軒豁疑驚魚腹  
葬似向虎口奪紅  
亭竦雲表翼然俯  
林樾泊岸快登臨  
恍覺踏地實始悟  
孱軀存未趁波濤  
沒酌酒勸長年焚  
香齊念佛城近  
蟻吟深人稠鬼哭  
歇客子莞爾笑清  
宵權謳發

扇子峰

羣巒貼霄漢蒼翠卷四圍秋風便面景粉面或庶幾巨靈  
坐蠱屨孤掌不敢揮石骨插龍藏倒激珠濤飛恍惚巫峽  
雨神女行雲歸估舶帆十丈疾於發弩機兩岸嗁杜鵑血  
淚滿客衣淚枯石欲爛水怒不可磯故鄉五湖舟春波沒  
柴扉穩坐如天上花落鰕魚肥冒險進三峽雁斷音書稀  
逝沾蠅頭利忍餒蛟腸飢畫圖真境在雲山莽是非天然  
斧劈皴范荆未易希

尋絳雪堂舊址卽用歐陽文忠千葉紅梨花詩原

韻

廬陵仙去嗣者誰花佇名人始逞奇我來攀條企嘉樹恨  
不生與公同時硤州瓊葩根寄水衙裏江聲如舊花枝異

小院春霏片片紅西陵暮對峰峰紫仙官當日投荒處玉  
堂小別頻迴顧才人貶黜等空花一任風吹自來去花開  
花落及于春竹馬兒童候使君里諺竹枝傳逸調淫祠擦  
鬼話遺聞黃牛朝暮望無涯米賤魚多合住家金石重搜  
集古錄思公不見但看花

喜智珠來楚

意外歡逢汝相攜話百憂驚心緣一病別夢當三秋既見  
魂纔定回思淚轉流十圓江上月白盡老人頭

與智珠夜話

疾狀初傳鄂渚潄涕痕夜夜溼羅衾遲來長鬣秋將老誤  
去洪厓信易沈難必此生重見面始知去歲各酸心從今

腸斷陽關曲莫再花前撫玉琴

子開時愛彈陽關三疊

喜華山道士員圓輝至

嶽下三秋別金天轉日車雲泉彈綠綺石壁貯青霞人逐猿蹤杳心隨鶴夢長記同攀鐵鎖攜我上蓮華

荆門行館詠庭中桂樹

名種淮南翠影橫窅窳四出記秋英石牀香夢金風冷落盡中宵桂子聲

雲壑天香霧氣浮廣寒高挂一輪秋空鑄翠壁親題字園主何曾爲少留

靈巖山館于秋日種植丹桂數十本曾手書叢桂畱人四字泐于石壁

六十生朝自壽十首

俯仰乾坤鼎鼎身無端甲子記初掄家藏遺笏承清德少

占名山樂素貧抗手曾招驂鶴侶掉頭不羨釣鼈人予生

怡植潮生日花滿天香月滿輪

先祖錫名潮生

幼聆慈訓習風騷折節寧甘壯志銷壁挂龍文曾學劔門  
臨鶴市憶吹簫判將精力糜青簡要洩英華薄絳霄揆覽  
今逢母難日松膠不向下泉澆

曾去蓬壺撒手行人闕天上信縱橫雲霞世外思孤往旌  
節花前了半生爲戀

主恩非戀職只求民隱不求名懷中未褪江郎筆畱俟閒  
居詠太平

靜几秋燈照影空不應著作論窮通書成牘案郵程外人  
老河磬嶽色中肯學元亨分黑白要從丹鼎候青紅漫愁



彈指飛光去月向西流水向東

鳥飛兔走事紛綸負荷艱難愧拊循私願康寧同物我最  
虞衾影負

君親金寒玉粹孤行意花落雲行自在身閒讀道書耽習  
靜但祛魔障不修真

景光百歲閱朝昏可惜虛窗駒影痕行水河淮及江漢編  
年遼宋迄金元餘暉戀戀成蛇足入夢蘊蘊返蜨魂自覺  
寸心無愧忤衾寒鐘動手頻捫

松菊鄉園蹟漸荒煙霞空鎖舊山莊千番幻境千真境半  
世名場半宦場未許鷗情如我淡那容鶴壽比人長他時  
青嶼邀明月老伴梅花骨亦香

波浪掀天付笑談雲煙消息靜中參  
座間奇士經談六域內雄封嶽領三  
儘藉圖書娛左右恐虛壇坫屬東南  
惟餘痼癖難除破好古耽吟笑太酣

最好時光在眼前偶然領略卽神仙  
雪鴻印後泥痕杳蕉鹿忘餘夢境遷  
還我本來真面目參他過去舊因緣  
未妨長久人閱世秋共高寒月共圓

玉冠新琢換朝簪傳語山靈佇足音  
嵐翠湖光供畫本漁歌樵唱叶琴心  
兒孫自有奇書讀歲月還隨異境深  
掃子浣花溪上屋儘容高臥白雲岑

敬題家叔祖兵科給事中咸齋公遺照六首

臺諫英聲動殿廷抗章曾荷法宮聽  
豸冠稜骨呼能出猶

見貞元舊典型

髻年席帽走京華  
適館叨塵翦拂賒  
彈指風輪飛卅載  
不知小劫歷恆沙

相期逐電駒千里  
空愧鳴霜鶴九臯  
翔步鳳池思老輩一

枝親授彩雲豪

公因病乞假沅遂  
以中書入直穢地

雪閣寒添夜已深  
千杯酒力尙能勝  
鄰家釀熟梅花白  
自笑家風似竹林

朝中禎果飲中仙  
社結耆英曠酒錢  
慘綠我曾陪末座  
白

頭臨鏡一凄然

時臺閣中尙多康熙雍正年間諸老前輩  
每結消寒雅集拈韻徵歌必爲投轄之飲

先生令予執壺  
翁坐客稱旣醉  
主曰未央觥籌交錯  
長夜

不倦文采風流  
宛然在口憶公棄世已閱四十餘年  
今予亦將老矣  
展閣遺照曷勝惆悵

火扇街南燈火非重來門巷尙依稀紫藤花落無人掃只  
有空庭燕子飛巖初入都公館我於藤陰書屋今春重  
過其地問之鄰人舊屋已屢易主矣

題捧日圖四首

鑾坡趨侍對晨曦作繪眞忱我獨知此是初升如日意一  
篇天保答君詩

玉漏初停啟曙光螭頭鷺振接鵷行知君亦復如葵藿只  
解傾心向太陽

闔闔重重闕太霄萬年枝煥曉鴛嬌披圖恍遇從前事顛  
倒裳衣趁早朝

向夕蓬瀛瑞靄凝玉繩低處映觚稜何當添幅春宵景御  
月看從金掌升

唐昭宗賜錢武肅王鐵券歌

販鹽崛起眞英雄威勝一軍領鎮東唐家殘局仗吳越山  
林衣錦旌殊庸敕取青錯宣良冶支鑪張鞠霞光紅厥式  
方長形若瓦誓文典重泥金寫表忠勵節恕九死不同假  
器鞬縻者三節還鄉意氣豪凌煙圖像紀功高玉帶名馬  
寧所好枕戈運甓遑知勞斗牛之閒應王氣半壁東南期  
利濟怒濤遠避弩三千毒霧全消州十四岐王去後復梁  
王龍戰中原禍未央荒涼宮殿生春蘚寂寞園陵鎖夕陽  
義旗一隊風雲迅翦逆鋤兇專効順裂土長畱青史名分  
茅世守黃金印李花憔悴勢全非金碧三樓壓翠微柳營  
盡釋層層甲花陌初歌緩緩歸父老歡呼迎馬首吳山越

水陳尊酒豈少拌身殄豕蛇那虞旋踵傷弓狗忠孝名門  
令望全五王一券祚長延宛爾金鐘勳績勒寧殊銅柱姓  
名鐫風輪月馭無停歇守器端由後昆哲河山帶礪閱滄  
桑摩挲還看錚錚鐵

題永思圖三十韻

苦竹凌繁霜幽蘭翳深谷華能散遠馨筍會捎雲綠上天  
生物心往往因材篤嘗聞積善家後必膺遐福今披永思  
圖益覺報施速楊君本清門昆季聲華馥文彩九苞禽品  
望豐年玉各佩子男印均博循良目致此詎無因家庭咸  
戩穀厥考督率嚴校課勤昏夙荷風池上軒松雪山下屋  
棗几攤芸編曾不閒涼燠厥妣名家姝德容兼婉淑且能

明大義待子慈而肅泊子服官政慎獄再三屬子亦官構  
堂持躬遵誠昂果得邀貤封

九重錫章服俯觀羨

恩榮孝思自不足王袞廢蓼莪臯魚泣風木未酬三春暉  
寧貴萬鍾粟歷追親生平謹繪圖八幅長藉挹徽音宛如  
蒙顧復鈴閣對斯冊邈然仰芳躅可當補亾詩足以厲風  
俗我願天下人各慕置家塾爲父則倣之燕翼義方告爲  
母則倣之熊丸助勤讀爲子則倣之箕裘克紹續休徵萃  
門閭令譽達邦族慎無付等閒一展三薰沐

靈巖山人詩集卷三十七

無錫門人楊揆編校

靈巖山人詩集卷三十八目錄

第三十八卷 古今體詩

香艸吟

澧州行館

武陵行館夜坐書懷二首

辰州弔故太守諸桐嶼同年

沅江舟行玩月

涉沅十九首

喜晤永州太守王二篷心得句奉贈

聞蓬心守永七年頗有惠政再用前韻

行館與蓬心夜話三用前韻



蓬心邀游浯溪遍覽唐宋諸賢磨崖古刻四用

前韻

舟中與蓬心論畫五用前韻

舟行看山蓬心許臨北苑瀟湘圖六用前韻

與蓬心閒話回憶日下舊游七用前韻

辰谿道中詠路旁奇石

舟行抵衡陽與蓬心望嶽並話日前登歷諸勝

八用前韻

蓬心有遂初之意九用前韻

題張蓉湖太史竹南小隱二首

衡嶽紀游詩六十首

清涼寺

過靜居寺述懷作

石園峯

朱陵洞

沖退醉石

胡文定公祠

九仙觀

絡絲潭

玉版橋

半山亭

鐵佛庵

福嚴寺

讓祖塔

三生石

丹霞寺

北斗嶺

擲鉢峯

飛來船石遺址

天尺庵

登祝融峯歌

望日臺

夕陽溪

會仙橋

不語巖

上封寺

觀音巖題碧蘿山房壁

茅坪

九龍寺

兜率庵

已公巖

兜率閣上望天柱峯

退道坡

雲居寺

紫虛閣

凝碧亭

嬾殘洞

爛柯巖

大明寺

夜宿習嬾山房

石廩峯

响屐峯

南臺寺

黃庭觀

魏夫人飛仙石

方廣寺

朱張二賢祠

題嘉會堂壁

慧海尊者洗衲池

天台寺

聖燈巖

石鼓書院謁七賢祠

合江亭

題香水庵佛閣壁

仰高閣

煙雨臺

竹院

龐居士修道處

明道山房

回鴈峯歌

禹碑

邀張忍齋學使王夢樓同年訪羅慎齋前輩於  
嶽麓書院遍游諸名勝攀躋絕頂摩挲古刻  
敘舊論文薄暮渡江而返得長律二章呈政  
浮湘

君山

岳陽樓玩月偶彈水仙操題壁卽寄夢樓

思家

萬年庵題壁和鄉前輩吳荆山先生韻



靈巖山人詩集卷三十八

鎮洋畢沅秋帆

一字  
穰衡

香艸吟

澧州行館

洞庭水已落秋色滿遙岑戶戶栽佳樹邨邨掩竹林女巫  
沿楚俗山鬼習騷吟爲愛郵亭月推窗弄玉琴

綠波催桂檝驚起兩鴛鴦蘭佩思公子竹枝歌女郎豆蔬  
昨夜兩橘柚滿林霜未敢傷遲暮誰憐竟體香

武陵行館夜坐書懷二首

武陵木落洞庭秋試院今爲三宿畱葉葉芭蕉陣陣雨教  
人怎不惹離愁

苦竹叢深滿楚山何年消盡淚痕斑  
昨宵月冷秋衾夢夢落瓊臺金闕閒

辰州弔故太守諸桐嶼同年

關峙辰龍扼要奇故人曾此駐雙麾  
五雲秘殿簪花日一勳名盡設位時  
憶訂蘭言交是石重尋棠蔭口爲碑  
夜長郵館秋燈暗梁月猶疑挹素儀

沅江舟行玩月

江波澄夜色巉壁夾岸峙冰輪冉冉升  
報破東峰起云胡天邊月倏忽落波底  
一月散千江靜會川流盲篷牕俯仰  
間虛明溯太始雙槩搖欲碎沿舟行  
弗止神游入瓊戶蕩漾秋光裏水月印予心  
是一是二耳

涉沅十九首

靈源導牂牁且蘭廢縣古涓涓濫觴始濼演出銅鼓地絕  
一江通中闊黔楚戶夾繁蠻左居支派漸分五攢霄萬障  
剌列翠儼環堵雪浪奪罅走旋折洞雲臍鑿碎夜郎天五  
丁太莽鹵不知施手時如何運神斧輕舟過辰陽樂激疾  
飛鸞龍門折雙角萬古泄吼怒峭截奔流迴眩轉失聞覩  
驚濤蕩客心秋光滿極浦

滄江不可極極望秋連天波浮鰓魚鱗縝綺淡碧甍林楓  
幾千尺倒插垂崖間瀟漫敷麗影雲霞其澄鮮夙昔愛遊  
游一棹萬里船靈修怨遲暮明月空嬋娟

奇情挖天巧境從鴻荒闢穹窿逼飛鳥織磴斷閒屐酉峯

排鴈行紫雲片片積山足陷陰壑森如聳矛戟幽潛三光  
沉蛟螭失安宅波明流瑟瑟斜陽淡將夕篷底立移時襟  
袖染寒碧

騷音絕嗣響淫哇聒衆耳我歌楚些曲曲終悵曷已桂楫  
寫夷猶臨波竚彼美美人去不還所思隔千里竹暗雲冥  
冥秋殘水瀾瀾參差吹縹緲涼夜天風起一江碧無情塞  
裳采芳芷

幽雲載滿船沉沉不知重冷然御風游穿峽棹一縱青山  
戀奇客揖讓遞遙送驚灘喧白日時聞水石闕盤渦闕昏  
景雷霆起虛空動搖恂恍魂伏枕欠寧夢扁舟輕芥子怕  
墜古石縫

朝發夷望山暮宿明月池清潭徹鏡彩風籟寥天吹泉響  
滴漉漉雲光裏絲絲三石立鼎足峙秀紛參差寒松翳巖  
際茂竹披川湄勝地適漁詠遐企神仙居

頽巖覆驚湍輕刀削勢側抵石急下篙苔滑不得力撞破  
一線天神游水精域始悟靈奇境遠古山腹匿輻車馭空  
行低扼雙崖仄淵淵無底淵洞矚不可測雲霞現殊狀造  
物許我曾衰柳挂黃月斷岸秋聲急漁父夜扳罾面帶荒  
寒色

蛾眉畏譏讒沈憂令人老哀吟滯江潭見幾亦云早登山  
復涉水奇懷恣幽討精誠孰子諒忠信難自保吁嗟讒人  
張邠問靈修好極目楚天長羈魂亦燥燥離騷二十五字

字皆香草

翎愕森天闕孤鳶不能立石根純浸江削鐵斷雲級降腰  
鎖古洞層扉繡蘚澀冥窺巴陵道羣靈從此入一機與一  
船高虛挂岌岌莫測化工意狡獪紛散香秘洩窺窺天奇  
許後人拾崖束勢緊拶江迴聲益急空灘捲波飛篷倉雨  
花溼恍坐智井底天光小于笠

後灘去如鳥前灘來如馬飄忽若驚風長年催振柁浪脊  
負舟立坐卧少安妥穿峽峽益曲魂逝九泉下入險倏出  
險滄波明澹沱曉夕滄霞光煙翠左右鎖芙蓉落船頭劈  
空擎萬朶屈宋流零豔采拾許竝我

江流無靜聲水石互搏戰一帆風力飽棹影縱飛電銀河

倒西瀉澄空鋪素練沙縈嶂復疊去路窮一線漠漠煙林  
深頃刻現萬變奇情繪難工異境去猶戀舟行秋色中吹  
滿黃葉片巉巖起突如猙獰駭鬼面

余懷亦泚泚同此秋江水江水去無迴相思曷已已返景  
逼霄路日没千山紫雲蹤漸茫昧雲根依稀是蕩槳極激  
浦斷斷排石齒去險而就夷窘步慎素履灼灼芙蓉華託  
根在中沚溯洄爰采之將以贈君子秋深冷豔繁金霜吹  
不死

江山帶騷意岸唱竹枝歌波聲石色間慘悄無沖和飛光  
匿遼峽彈指一刹那夙昔愛遠游高冠森峩峩靈蹤躡與  
區冥契觸景多奇妙攬元化悲壯非蹉跎離騷繼六經萬

古不可磨芳洲羞白蘋古祠牽女蘿風雨若有人披髮騎  
鯨鼉靈均一掬淚秋滿洞庭波

谿環結聚落遠抱紅葉村誅茅以覆屋練土以築垣椶櫚  
種成柵修竹放成園中有幽人居倉貧而道尊明月照讀  
書風吹素帷翻瀑布挂簷角堦下寫潺湲青壁無梯上枯  
松挂冷猿哀嗥兩三聲能消楚客魂山深人事絕天寒掩  
衡門門前繞江流萬里雲濤奔帆駛靡息影濛濛煙霧昏  
迴頭深林際微露秋燈痕

雁聲催曉夢靜聽迥搖舫霧深樹霧隱人家隔秋浦渟淵  
倒巒光汨減自太古霽霽雲欲雨煙水交吸吐西南僂漏  
天恐難煉石補郵巫朝賽神鳴鉦夜逐虎山勢九霄落飛



作大劈斧

仙源近人境可望不可臻前洞窺古驛後洞臨江濬微颺  
送畫鷁碧玉漾漣淪沿洄峭壁下雲根絕虛垠篙工指告  
余此是桃花津花開復花落中有秦時春宛然洞府闔靈  
瑣蒼苔皴我欲扣石扉仙犬空狺狺襟塵未浣淨恐被仙  
人嗔茫茫雲水洞時遇捕魚人

灘行利鰈船船底薄于紙全江堆一筴鈿礁夾鋸齒熊虎  
起伏勢猛惡備形似扁舟天外落一擲黃淵底小灘瞥眼  
失大灘難計里波心關羊腸間入毫芒耳洞洞窺死門出  
入距尺咫梢工神志定性命付石抵呼吸運一針旋轉惟  
心使驚濤等恬瀾徑渡魚腹裏船身忽無骨飛影激篙矢

以柔而制剛剡木悟至理

舟速在槳推舟穩在招擎元關洩機括洶洶坤軸掣狹塹  
束鯨波拗石肆狼劣一江鎖百灘一灘轉百折冥晦疑靈  
藏陰險想鬼設電飛龍爪拏雨蝕狼牙齧漏泉怕尾濡出  
穴免頂滅全憑手眼力缺陷補造物

上有壺頭關下有清浪灘灘長石更惡風雨蛟龍搏匹馬  
上無路一葉穿奔湍擊觸立糜爛鐵鎖不可攔沉魂抱終  
古白骨泉扃寒傳聞新息侯英颯捲洪湖峯顛斜陽外猶  
有陣壘存梟鳴雞鬼哭戰鼓殷齧齧舟子大歡喜獻酒剖  
羊豚女巫翩躚舞祠樹挂紙錢天吳受約束雲馬靈旗翻  
去去已出險穩坐秋水船清江兩岸竹一路報平安

喜晤永州太守王二蓬心得句奉贈

白頭相見轉相憐各認形顏短燭前  
落月夢思千萬境停雲情話廿三年  
清湘曲曲樵真本靈嶽峯峯攬勝緣  
燕寢幽光流硯席開牕靜掃一溪煙

聞蓬心守永七年頗有惠政再用前韻

豪強裁抑困窮憐輿誦轟轟聒馬前  
地瘠最宜暄愛日官清容易召豐年  
讀書世受和平福學佛人多歡喜緣  
笑子慚無康濟術幽花戶戶有爐煙

行館與蓬心夜話三用前韻

老守空囊亦可憐豪情傾倒酒尊前  
主賢師爲畱三宿兄事應知長十年  
管內江山餘勝概箇中翰墨結清緣  
郵亭

促膝衷初寫不覺遙村起暮煙

蓬心邀游浯溪遍覽唐宋諸賢磨崖古刻四用前

韻

前人遺迹後人憐船著三吾絕壁前鴈落衡峯如約我鶴  
歸華表定何年山後有陳文肅公墓道碑舟同李郭神仙侶碑續元顏  
金石緣攜杖度香橋上立一行野鷺破寒煙

舟中與蓬心論畫五用前韻

對酒高歌不受憐揮毫直溯宋元前烏衣自有家傳學鶴  
壽須知天假年得遇故人真快意重看奇蹟亦良緣生涯  
付與三文筆絢染鬢翁上翠煙時出董北苑瀟湘圖吳仲圭漁父圖倪王合作卷諸

各蹟互  
相欣賞

舟行看山蓬心許臨北苑瀟湘圖六用前韻

勞人翻被鷺鷥憐  
帆底青山列硯前  
筆健共推無敵手  
神完差喜似當年  
瀟湘圖展尋真境  
虹月船輕契妙緣  
漫向篷窗談拙宦  
袖中聚斂盡雲煙

與蓬心閒話回憶日下舊游七用前韻

敝車羸馬若堪憐  
萬事飛沈判眼前  
賸我兩人聊爾爾  
拌他一醉度年年  
簿供點鬼餘沉痛  
夢到游仙亦好緣  
臨鏡鬢絲參幻相  
雲光一縷颺茶烟

辰谿道中詠路旁奇石

掃卧雲根水一灣  
石居靈壁太湖間  
凌江片片芙蓉瓣  
錯認真山作假山

舟行抵衡陽與蓬心望嶽並話日前登歷諸勝八

用前韻

老不如人冑自憐衝寒直扣紫閣前火輪影麗將殘月

觀日

臺在祝融峯東北隅五更見日出

靈瑟音沉上古年騷意深冬添客感嶽

游宿世訂仙緣飛身曾踏青空外俯辨齊州九點煙

蓬心有遂初之意九用前韻

牛磨團團一世憐望塵老尙拜車前心驚馬齒懷鄉土累

重猪肝感暮年莊旨騷情呈幻相韓詩柳記證因緣柴桑

松菊荒三徑只恐歸來斷爨煙

蓬心近繪吟詩送老園小像爲書莊騷幻想四字於

卷端

題張蓉湖太史竹南小隱二首

千里清湘冷綠雲竹邊茅屋畫邊分空灘夜雪人垂釣對  
面相逢不識君

斜月江頭作釣鉤客情鄉夢兩悠悠五湖他日持竿去萬  
樹梅花一葉舟

衡嶽紀游詩六十首

清涼寺

蘭若停驂已夕曛松聲泉韻乍難分怪來石閣涼如許七  
十二峯都是雲

過靜居寺述懷作

路沿巾紫峯寺門一松守殿宇綠雲中高下抱陵阜空庭  
讀古碑不覺淹留久崇朝斷見聞岑寂世無有我昔構幽

荷  
栖亭榭饒花柳自從筮仕來  
鹿鹿風塵走夫豈戀浮榮感

君恩厚但期數載間得告歸田  
畝高樓卧白雲三徑邀紅  
友送老琴臺邊天能如願否

石困峯

峯以困為名非徒形象稱白石  
皆仙糧劉根餐所贖儻遇  
栖真人便可指相贈不信問山  
靈空谷當遙應

朱陵洞 卽水廉洞

千尺飛流冷挾風洞門長掩玉  
玲瓏癡情欲覓梅花夢思  
尺羅浮有路通 相傳此洞與羅浮通為道家第三洞天

沖退醉石



誰鋪數丈青瑤席終古平分水府秋應有仙人當夏夜月中高枕夢滄洲

胡文定公祠

跋馬蒼山虢停鞭謁古祠陰苔侵廡壁破樹蔭庭墀鼠印塵筵跡蛛垂布幔絲終年香火斷前哲有誰思

九仙觀

張三丰鍊丹處

丹成九轉飛昇去從此人多學道勤五夜石壇朝北斗三時金磬禮元君入池峯影真如畫出竹茶煙漸化雲我愛景幽聊小憩數聲鶴唳帶風聞

絡絲潭

輒輒罕停息萬年絲一條絡付鮫人室片段織輕綃似因

操作勞愁苦無由消以此苔磯畔淚灑明珠跳

玉版橋

幽境漸非凡山橋玉爲版晶瑩滑于脂拄杖經過緩殘林  
霜葉紅如花護瑤館知是化人居松關帶雲款

半山亭

嵐煙淺碧石泉紅半舄空亭坐晚風矯首只言山在望不  
知已在萬山中

鐵佛庵

萬劫不壞身色相空諸有精錯終銷磨何殊泡影久

福巖寺

古寺在山凹經樓瞰樹梢

乾隆五年  
欽賜藏經一部

磬聲流不遠四

面緣雲包

護祖塔

地偏鮮客游塔院門常鎖無路讀碑文秋艸長于我

三生石

一片孱顏石能參今去來相逢如解語試問劫餘灰

丹霞寺

荒殘古寺不堪論垂老枯禪守世尊風洞煙蘿泉瀉滴石  
堂雲木晝昏昏破廚無復藏經貯敗壁惟餘舊碣存景物  
蕭條難久竚且攜筇杖叩天門

上卽南  
天門

北斗嶺

嶺形如北斗曲折界蒼旻自出天門上真非塵世人不須

騎日月先已踏星辰

擲鉢峯

聞昔有高僧舉鉢擲諸地以示空門中一切可拋棄試問  
舖歎徒能證無生未

飛來船石遺址

相傳石作舟形篷帆宛具後  
因雷雨巖崩勝迹永絕矣

古迹銷磨不復存尚追景像細評論悄然竚立蹟巖側寧  
異癡人記劍痕

天尺庵

祝融峯頂梵王宮不斷涼吹闐闐風下隔塵寰程幾萬樓  
臺一色蔚藍中

登祝融峯歌

縹緲祝融峯九千七百丈雲封最上層飛鳥不能上我來  
值殘秋拄杖徧探幽越澗復攀嶺真成物外游咫尺諸天  
近手堪捫翼軫亭午重裘尙覺寒罡風浩浩遙相引遙相  
引浮雲開諸峯羅列如陪儼四海八荒無翳障一空眼界  
舒襟懷諸山漾影湘江水新整髻鬟明鏡裏葉葉征帆九  
面迴翠煙無數衝將起上界風光百態新此游自是有前  
因我欲揮朱鳥邀谷神王谷神山  
中得道者驂鸞同謁魏元君叩瓊  
笈之妙輒論琅書之真文示我朱陵棗絕勝元圃艸人能  
噉一枚壽可後天老洞裏神仙數十家飛泉百道當簾遮  
瑤田赤土十萬頃不種桑麻但種花擬召靈霄修月戶經  
營雲構蔽天柱雨夕風晨讀道書畢生長伴花居處人世

榮華泡影同胡爲齷齪攫吾胸百年三萬六千日猶擊石  
火須臾紅君不見虞舜南巡遵嶽麓死葬蒼梧鬱雲木貴  
爲天子骨難歸二妃淚染篔簹竹又不見賈生經術劇足  
嘉可憐無故謫長沙年少懷才不得意愁聞鵬鳥深咨嗟  
我際昇平列廊廟位尊祿厚無報效白髮盈顛仍未歸故  
山猿鶴應騰笑憑風爲我語山靈已向羣仙分翠屏霞衣  
雲履青瑤鏿處處松厓斲茯苓

望日臺

五更挈伴共登臺東望滄溟霧忽開萬丈森森光燄裏燭  
龍銜出火珠來

夕陽溪

綠水潺潺疊嶂中  
橋東殘照板畱紅  
上流數片浮霜葉  
猶認桃源有路通

會仙橋

卽青玉壇

深壑危厓險異常  
玉虹橫互當飛梁  
昨宵應是羣仙集  
露溼松壇綠有香

不語巖

致竟空巖何顧忌  
欲人捫舌過林扃  
袖中我有驚天句  
誦與山靈可願聽

上封寺

足躡翠芙蓉  
花官叩上封  
門關秋薜徑  
牕到夕陽鐘  
紅葉兩三樹  
蒼煙四五峯  
眼前皆妙畫  
欲去意先慵

觀音巖題碧蘿山房壁

莊嚴選佛場巖亦號慈航院古松穿石房幽山對牀吟時  
嫌句拙到處覺雲香不管秋和夏虛堂一味涼

茅坪

茅坪逢老翁攜筐拾橡子秋涼披蓑衣天晴躡木履體健  
貌清奇與語夕陽裏借問何處居隔澗過山翁板屋石林  
西炊煙暮方起

九龍寺

古寺隱丹崖飛橋跨石澗日上已三竿禪林猶未旦庭寒  
霜不融雲密磬難散僧邀登石樓四面捲風幔憑欄話夕  
陽落葉飛滿案



兜率宮

山深境愈幽苔磴盤千級  
庵因峯得名當路豐碑立  
泉上紅泥亭結構圓如笠  
小憩坐松根石氣侵衣溼  
禪扉叩始開風捲雲先入

已公巖

已公栖息地林泉頗瀟灑  
茶瓜延杜陵賓主兩風雅  
今來賸蒼巖斯人何處也  
我亦有新詩惜無茅屋下  
削壁劃莓苔聊當雲箋寫

兜率閣上望天柱峯

高閣勢嶙峋去天僅尺五  
削壁挂簷端紅泉飛一股  
兒樹有餘清盛夏常忘暑  
小立凭曲欄奇峯插雙柱  
拔擢入煙

霄漂搖任風雨，縣知雲根下。應斷鼇作礎，高標鎮火方。直  
上擎天宇，可免杞人憂。永謝女媧補，不倚復不偏。樹立萬  
萬古。

退道坡

前去非迷途，胡爲欲卻步。人情憚高深，往往翻自誤。

雲居寺

厓迴澗曲愜幽尋，颯颯涼風爽客襟。甌塔年深殘碣泐，秋  
山日落半亭陰。壇遮碧樹圓如蓋，石漱紅泉細若琴。似此  
幽栖能有幾，一龕終古白雲深。

紫虛閣

層巖危梯躡翠霞，天光已盡目無涯。乍登似駕搏霄鶴，久

坐疑乘入漢槎萬壑聲飄蓮座磬  
九秋香遞月輪花憑欄  
遙向東南望一點蒼煙是我家

凝碧亭

山椒石亭邊槎枒立疏樹落葉帶青霜  
飛傍欄杆聚地僻  
無人來日高雲尙住

巖殘洞

石洞不須扃煙霞百重裏聞昔有高僧  
習靜此端坐劫來  
步林間殊覺風景可惜無煨芋人細證  
三生果一猿隔松蘿  
巖上遙窺我

爛柯巖

聞昔有樵子看棋爛斧柯我來扶短策  
流盼好巖阿澗澗

鋪丹葉松高挂碧蘿游人爭著句飛鳥不停歌日落催歸  
去回看翠靄多

大明寺

岡巒乍戾澗縈蟠忽喜橋西石徑寬紅日高時旛影正碧  
雲深處磬聲寒千竿箇箇通經院一樹杪樞蓋戒壇多少  
紀游前代碣巡廊細細拂塵看

夜宿習嬾山房

遙岫歛殘暉雙林已陰晦從僧借山房棐几一燈對窗外  
商飆生撼撼響老檜初疑寺門前亂石漱寒瀨諦觀乃始  
明竅穴傳天籟樹鱗雨三星光芒如椀大此間地勢高宜  
爾無足怪體倦投竹牀暫寐頗清快無端魂夢中陡覺涼

難耐未忍驚僮僕自攬衾裯蓋平明寒幔看夜寒知有在  
千峯裏一樓涇翠濃如黛碧雲復萬層圍在千峯外

石廩峯

茲峯獨以廩爲名應藉雲根秀林杭說與祝融須借我元  
都新買硯田耕

响嘯峯

不須更問禹王碑真迹湮沈杳莫追添得名山聲價重郤  
緣吏部一篇詩

南臺寺

曲徑彎環踏綠苔侵晨至寺卽登臺數聲鴻鴈衝雲去一  
片瀟湘入座來橘美新紅當硯席峯分冷翠落茶椀盛衰

佛地猶無定欲向枯禪話劫灰

相傳此寺極盛自前明  
火後規模遂無昔觀矣

### 黃庭觀

偶過瓊仙院閒繙真誥文竹根充茗供柏子當香焚澗涸  
生蒼蘚林疏補白雲興來聊弄筆不爲換鸞君

### 魏夫人飛仙石

厓危澗復深巨石凌空際元君修道成欲謝人間世一旦  
乘青鸞飄然從此逝我來訪遺蹤想像頻遙睇秋山鎮無  
人松濤弄幽翠嘗云惟神仙自古寡情思一去二千年舊  
居曾返未海月尚無知夜夜來相遲

### 方廣寺

景物深而秀祇林別有天青藤藏古屋紅樹覆寒泉鶴老

靈通語僧高嬾話禪峯巒無近遠都列石堂前

朱張二賢祠

地已因人重時方值景清日高山鳥散木落石堂明以我  
尋秋意知公踏雪情唱酬佳句在未敢更題名

題嘉會堂壁

朱張兩夫子嘉會昔於茲杯酒吟哦夜江山風雪時獨游  
今讓後繼至後爲誰欄外峯千仞遙瞻有所思

慧海尊者洗納池

鏡光呈一片照眼碧盈盈漱石微瀾起經霜徹底清因君  
洗衲意深我濯纓情塵垢原宜去非干潔已名

天台寺

法王宮殿倚煙霞翠巖中分石徑斜  
劉阮儻來應錯認一林紅葉似桃花

聖鏡巖

無數丹霞簇彩球幽巖燄逼不成秋  
仙靈作達猶吾輩也向雲林秉燭游

石鼓書院謁七賢祠

峯巔巨石形如鼓傍有先賢舊祠宇  
青青薜荔覆垣牆策策梧桐蔭廊廡  
屏上淋漓潑墨工壁端高下題名古  
有時衡嶽滿山雲散作蒸湘兩江雨  
羣賢有靈會一堂對茲景象應遐舉  
駕鶴聊追妙想游謂仙人秉蘭應覓靈均語  
香火由來匪一朝風徽久已崇三楚  
我到流連思不禁浪花



無際生煙渚

合江亭

石鼓山前聲溘溘蒸湘至此雙流合無邊風景一亭收游  
客爭來攜酒榼古寺噌吰鐘韻幽平林捲畫鳥音雜煙嶼  
秋晴好采蘭沙灘水淺堪撈蛤入夜人歸江月來欄杆照  
見涼雲搭

題香水庵佛閣壁

寺閣捲湘簾千山送寒翠漁舟笛一聲驚起沙禽睡

仰高閣

石閣凌晴空窮攀一俯仰天近但餘青雲多自作響

煙雨臺

煙雨正溟濛紅欄借盡溼遙帆不見人  
森森湘流急

竹院

在回鴈峯下

萬个森森竹蒼煙  
石亭夕陽無過客  
檐角語風鈴

龐居士修道處

卽今能仁寺

居士慧業人少小  
厭塵世飄然擢扁舟  
來構湘江寺一几  
一禪牀細究楞伽字  
遂得了真如  
默悟無生諦  
今觀松下廬  
瀟灑饒幽致  
胡爲接踵人  
至今罕其次  
我欲謝簪纓  
青山分未

明道山房

卽唐李翱侯書院

衡嶽有山房  
鄴侯讀書處  
軒窗敞且清  
石磴戴枯樹  
世皆誇卷軸  
君豈守章句  
中興相肅宗  
白衣白如故  
一朝謝浮

榮入山不回顧仙骨真珊珊駕鶴凌煙霧可復憶高僧牛  
糞火中芋

回鴈峯歌

回鴈峯何崔嵬夕靄朝嵐翠作堆相傳陽鳥每至此力怯  
峻極皆飛回我來峯頂寺峯外鴈嘹唳乃知目所覩卻與  
所聞異世人飾說殊無味細揣始得之命名原有意峯勢  
如鴈形側身回兩翅乘興因游松下亭高峯倒影入煙汀  
渺渺湘流天盡處一痕雲學遙山青我欲呼湘靈瑤瑟凌  
波鼓非是愛清音聊憑弔往古三閭離騷二十五改弦爲  
更張翻作招魂譜一彈再鼓聲悠悠山鬼叫嘯風颼颼極  
目荒煙落日裡迷離一片蒼梧秋漁舟薄暝絕流渡我欲

邀之話情憐漁父掉頭笑不言長歌鼓枻沿厓去厓轉林  
迴水急流綠煙隔斷知何處惟見枯蘆淺水邊橫斜飛落  
鴈無數

禹碑

衡嶽山頭石一片赤珉綠字含神變秦碑漢碣幾湮沈夏  
篆居然今尚見皆云寶物神護持雲埋霧掩藏厓屨時至  
偶然始一現欲令後世驚靈奇七十七字悉蝌蚪支祁負  
貳荷柳杻或如塵窗蠹簡文又若村婦薑芽手未知究竟  
誰倣摹韻多舛誤文荒蕪儻買丹沙搨數紙卻鬼真可充  
桃符升庵好奇失細審釋文析義騁聰穎妄言我姑妄聽  
之只作神姦圖九鼎

邀張忍齋學使王夢樓同年訪羅慎齋前輩於嶽麓書院遍游諸名勝攀躋絕頂摩挲古刻敘舊論文薄暮渡江而返得長律二章呈政

暝谷催梅在雪先講堂高踞嶽雲邊名山久占關清福舊雨重逢要夙緣著述力爭千古事精神強勝廿年前畫圖

一曲湘西景隔岸人呼訪戴船

時王蓬心太守爲臨北苑瀟湘圖

絕磴霞關費仰窺鐘聲導客上嶽巖絳紗緒衍南軒脈翠

琰書摩北海碑

夢樓書法根源北海

泉石松窗詩並麗

先生方箋文註毛詩

章芸篋嶽爭奇學瀾比似雲瀾濶不到登峯那得知

浮湘

明暉淡秋碧沐浴冷翠裏湘曲曲曲深進進不能已水石

通舟去激之疾若矢靈境安有窮領畧眼前耳妙接景旋  
移趣除情益喜雲水蕩空明千態無一似縱竭仁智樂誰  
探此幻理偶來戀清游騷情入骨髓清淵浸予心白石漱  
予齒芳馨采何爲持以贈彼美相思不相見香夢寄遙沚  
蒼梧迷翠罕清湘咽不流中有死別淚一滴萬古愁山深  
雨冥冥木落風颼颼昏黃風雨合疑是湘妃游滄波沉古  
音竊聽潛蛟蚪靈瑟廿五弦弦弦感情幽鷓鴣繞斑竹千  
林嗷不休乘槎客子去星漢路阻修芙蓉滿前渚底處棹  
扁舟水雲空渺渺人臥半江秋

天光水光交澹滄蔚藍色皴染魚鱗紋豔奪鯨錦織凝湫  
穿石罅洞洞杳難測龍子吹腥風窺人九幽匿颯杳雷雨

翻神靈現傾刻空巖轟蓮花瓣涼雲蝕凌波學翱翔飛  
仙那可得棲蹤鴻濛顛濯魄水精域眼中出異境橫陳水  
枕側山月約松風隨意恣我會

空灘喧後夜魂擾無寧聲水柔而石剛寂寞兩忘情飄瞥  
互迴薄九淵紛砢砢亂礁怒欲拒豪湍激不平轟厖幹地  
軸魚龍那敢攫無端渙然釋一鏡澄銀泓去峯尙顧盼來  
波復洄濳世競心勿競利往貴孤征觀水洞元理淡泊中  
寡營秋山羣籟息新月替寒檠呶啞一枝艣人影搖波清  
衡陽有斷鴈誰問水雲程

皎月行天心終古免沈汨忽墮滄江底倒出水蟾窟雙檠  
蕩碎之俯仰雜恍惚月光攝子魂江波揉子骨飄飄御風

行碧海銀濤沒一葦縱萬里欲纜不可歇空虛神靈爲智  
慮將安竭清江流淨影顧免淪荒忽謫仙去不還待誰掬  
此月

菱花開月鏡淡碧雲瀾展松綾纈斂光秋色金刀翦隔岸  
似人家煙村暝不辨竹扉逗燈火夜深吹一犬冷狎鷗情  
閒幽洞犀光遠物我本無競機心長此遣漁翁坐桺根臨  
淵首頻俛投餌息之深攜罟就其淺到處網罟密衆魚何  
計免買魚欲放生江湖生意鮮曠懷付瑤瑤好把飛光餞  
晚涼奉白蓮露滴花魂泣浩歌蘭漿發披襟冷然善嶽影  
落帆前湘隨人意轉

域中佳山水往往多九曲清湘會瀟蒸浪花鬱靈淑嶽峯



百千轉一起倏一伏九曲約畧耳奇境靡成局曲曲鮮盡  
藏難以數更僕船頭棹一撥翠屏張六六煙靄塞前窳欲  
把雲根斲巒環幃倏開一縫穿洄沱飛篷迷向背既往疑  
又復青林鷺鷥游白沙鳧雁浴遠波送落葉秋意涼可掬  
千里去迢迢到底見一緣

羣峯亂雲合水氣蒸暝昏輕雷入遙岫急雨打倉門三更  
四更雨一聲雨聲蛟杳杳青楓林澤國秋風翻商音夕謀  
耳客思淒以繁挑鐙讀離騷騷雅萬古存篇篇寫哀怨誰  
訟靈均冤九天九淵外雲水淡無痕披髮佩長劍悵望靈  
鯨奔奇氣未磨滅化爲蘭與蓀湘山青不了湘水波潏潏  
擬續楚些曲重弔香草魂

楚天半風雨森森雲水鄉滿山翳叢竹比戶占池塘一陣  
清風來干柄荷花香江干停賣舶來往在三湘浪子愛多  
金跡逐浮萍狂舵樓有少婦終歲掩衾牀推窗對花泣背  
花對鏡裝漢臯遺明珠欲拾無由翔芳修矢匿影月炫金  
翠光誓水明貞潔誰歎一概量翦霞綉爲佩裂菱製爲裳  
浮家水百宿飄泊安可常藕絲牽相思蓮子守空房銀浦  
多風浪愁殺雙鴛鴦

月光寫滄浪萬里銀蟾溼古香出幽磻桂子紛可拾天風  
捲羅裳送子蟾背立恹恍夢中游躩身瓊樓入帝子降北  
渚羣仙冥翕集各抱古樂器摻手參差執許子爲知音贈  
以翠雲襲颯車馭天駟飛轡不可掣木落洞庭波西風信

已急山鬼爲蹇修芳靈亦驚泣

君山

地絕青峯出雲光鎖翠蛾一螺沉邃古雙瑟咽靈波恨石  
精魂冷貞筠涕淚多蒼梧渺千里悵望奈如何

岳陽樓玩月偶彈水仙操題壁卽寄夢樓

洞庭淺綠乍浮春偶向靈扁息此身鶴背雲中憐倦翮琴  
絲指下辨勞薪兩心靜印千江月一醉能消萬劫塵手奉  
瓣香稱弟子題詩人是學仙人

思家

風雪更籌記夜巡武昌錦字貯文鱗夢深兒女燈前話月  
淡溪山畫裏身翠被涼添香易滅碧牕人倦酒空陳玉梅

消息交三九，樓指歸期未破春。

萬年庵題壁和鄉前輩吳荆山先生韻

殘雪墮松頂，天葩空際翻。心勞那易歇，境寂不聞喧。竹影

搖禽夢，梅花荷佛恩。香光參妙諦，說法示宗門。

歇心處扁  
董文敏督

學湖南  
時書

陽湖門人孫星衍編校

靈巖山人詩集卷三十八